



Masyarakat Orang Asli di Kampung Redip merakamkan kenangan dengan peserta.

info

Ukhuwwah Walk

- Meningkatkan kefahaman Orang Asli mengenai Islam
- Lebih 100 peserta
- Anjuran FPI UKM dengan kerjasama MAIK
- Sebahagian daripada program LAD



Program ini diharap membuka peluang untuk pelajar UKM melaksanakan asas pembelajaran yang sudah diperoleh seperti teori dakwah, kepemimpinan, psikologi, kaunseling dan komunikasi”

Dr Rosmawati Mohamad Rasit, Ketua Jabatan Pengajian Dakwah dan Kepimpinan, FPI UKM

Tingkat kefahaman Orang Asli mengenai Islam

Oleh Haika Khazi
mfaizul@bh.com.my

► Gua Musang

Lebih 100 peserta menjayakan program 'Ukhuwwah Walk' bagi meningkatkan kefahaman mengenai Islam dalam kalangan masyarakat Orang Asli di Kampung Redip, Pos Hau di sini, baru-baru ini.

Usaha itu dianjurkan oleh Fakulti Pengajian Islam (FPI), Universiti Kebangsaan Malaysia (UKM), dengan kerjasama Majlis Agama Islam dan Adat Istiadat Melayu Kelantan (MAIK).

Ketua Jabatan Pengajian Dakwah dan Kepimpinan, FPI UKM, Dr Rosmawati Mohamad Rasit, berkata inisiatif itu juga adalah sebahagian daripada



Sebahagian peserta yang menjayakan program 'Ukhuwwah Walk'.

program bersama tahunan dikenali sebagai Latihan Amali Dakwah (LAD).

Bina jati diri

Beliau berkata, pelaksanaan LAD antara lain bertujuan melahirkan pelajar UKM yang berdaya saing dan menguasai kemahiran insaniah, selain memiliki semangat berbakti

kepada masyarakat.

"Program ini diharap membuka peluang untuk pelajar UKM melaksanakan asas pembelajaran yang sudah diperoleh seperti teori dakwah, kepemimpinan, psikologi, kaunseling dan komunikasi.

"Khidmat komuniti sebegini amat baik sebagai pendedahan awal dalam usaha mem-

bina jati diri pelajar yang cemerlang. Usaha dakwah tidak akan berjaya melalui teori semata-mata, justeru program 'Ukhuwwah Walk' memberikan ruang praktikal yang amat baik," katanya.

Hubungan strategik

Program itu yang disertai pelajar dan kakitangan UKM serta MAIK, dirasmikan oleh Pegawai Zakat MAIK, Murtadha Abdullah.

Sementara itu, Murtadha berkata, MAIK bersedia menjadi pencetus program komuniti untuk masyarakat Orang Asli di negeri ini.

"Melalui hubungan strategik dengan UKM, MAIK berjaya memenuhi sasaran aktiviti komuniti, termasuk menggembleng tenaga di FPI yang dapat mengaplikasikan asas dakwah," katanya.



Peserta beramah mesra dengan masyarakat Orang Asli.



Aktiviti diadakan mendapat sambutan penduduk kampung.